

Әдістемелік кеңес ХАТТАМАСЫ №2

Өткізілген уақыты: 29 қазан 2025 жыл

Қатысқандар: барлық педагогтер

Тақырыбы: Ұлттық құндылықтарды бала бойына сіңірудің маңызы

Күн тәртібі:

1. №1 әдістемелік кеңесте қабылданған шешімдердің орындалуын талқылау
2. Баяндама: «Ұлттық құндылықтарды бала бойына сіңірудің маңызы».
3. Ашық ұйымдастырылған ойын қызметінің кестесін құру.

Тыңдалды:

1. Әдіскер Хуат С. Сөз алып №1 әдістемелік кеңесте қабылданған шешімдердің орындалғанын айтып өтті. Педагогтер құжаттарды уақытылы тапсырып, жаңа өзгерістерді жұмыс барысына қолданып, педагогтердің түсінбеген жерлеріне көмек көрсетілді.
2. Педагог Вашкеба Е.Н. екінші сұрақ бойынша сөз алып Ұлттық құндылықтарға негізделген тәрбиенің маңыздылығын атап өтті. Ұлттың ұлы болашағы – оның жас ұрпағының санасы мен жүрегінде ұялайтын ұлттық құндылықтарда жатыр. Бүгінгі баланың бойына ұлттық салт-дәстүрлерді, тіл мен ділді, рухани мұраларды дарыту – тәрбиешінің ең басты міндеті. Ұлттық құндылық дегеніміз не? Сұрағы бойынша педагогтермен сұрақ-жауап жүргізді.
3. Әдіскер Хуат С. ұйымдастырылған ашық іс-әрекеттер арқылы ұлттық ойындар мен дәстүрлердің тиімді енгізілгені талданды. Педагогтердің өткізетін ашық ұйымдастырылған іс-әрекеттерін талдап, талқылап. Өткізілетін ұйымдастырылған іс-әрекеттерге байланысты көрнекіліктер дайындап, балалардың жас ерекшеліктерін беайланысты тапсырмалар мен ойындар ойнату.

Шешімі:

Барлық педагогтар ұлттық мазмұндағы әдістемелік құралдарды кеңінен пайдалансын. Ұлттық құндылықтарды күнделікті іс-әрекеттерге енгізу жалғассын. Әр топта ұлттық бұрыш ұйымдастырылсын (ақпан айына дейін). Тәрбиешілер ұсынған ұлттық мазмұндағы іс-шаралар жоспары бекітілсін.

Әдістемелік кеңес төрайымы

Әдістемелік кеңес хатшысы



Демеуова Ж.

Хуат С.

Баяндама: «Ұлттық құндылықтарды бала бойына сіңірудің маңызы»

Ұлттық құндылықтар – бұл ұлттың өмір салтына, тарихына, мәдениетіне, рухани мұрасына негізделген моральдық-этикалық, тәрбиелік ұғымдар жиынтығы. Олар: тіл, дәстүр, салт, ән-күй, ұлттық ойындар, қолөнер, ертегілер, мақал-мәтелдер, отансүйгіштік және үлкенге құрмет, кішіге ізет.

Мектепке дейінгі жаста ұлттық тәрбие берудің маңызы:

Баланың алғашқы қоғамдық ортасы – балабақша. Осы кезеңде берілген тәрбие өмірлік негіз қалыптастырады. Ұлттық дүниетаным бала бойына сіңсе:

- туған тілге деген сүйіспеншілік артады,
- салт-дәстүрлерге құрмет қалыптасады,
- өзін қазақ халқының ұрпағы ретінде тануға жол ашады.

Тәрбиелік жұмыс түрлері:

Балабақшада ұлттық құндылықтарды дарыту төмендегідей бағыттарда жүзеге асады:

Ұлттық ойындар: «Асық ату», «Тоғызқұмалақ», «Арқан тартыс» арқылы қимыл белсенділігі мен ұйымшылдық дамиды.

Салт-дәстүрлерге арналған тақырыптық сабақтар: Тұсаукесер, тұсау кесу, Наурыз мейрамы.

Музыкалық және шығармашылық іс-шаралар: Домбыра күні, ұлттық киім күні, ертегі кейіпкерлерін сахналау.

Ұлттық тілде сөйлеу ортасын құру: Қазақ тілінде ертегілер оқу, мақал-мәтел үйрету, ұлттық терминдерді қолдану.

Ұлттық құндылықтарды бала бойына сіңіру – ұлт болашағына салынған алтын көпір. Бұл бағытта жұмыс жүйелі әрі мазмұнды жүргізілген жағдайда балада отансүйгіштік, рухани байлық, адамгершілік қасиеттер қалыптасады. Тәрбиешілер мен ата-аналар бірігіп, бала жүрегіне ұлттық рух пен мақтаныш сезімін сіңіре білсе, ертеңгі елдің еңсесі биік болмақ.